



MEMORANDUM

O SARADNJI I PARTNERSTVU U OBLASTI NAUČNOISTRAŽIVAČKOG RADA

Između:

- **Memorijalnog centra Srebrenica-Potočari Spomen obilježje i mezarje za žrtve genocida iz 1995. godine,**
sa sjedištem u ulici Potočari bb, 75430 Srebrenica, Bosna i Hercegovina, kojeg zastupa predsjedavajući Upravnog odbora, Ševket Hafizović

i

- **Fakulteta političkih nauka Univerziteta u Sarajevu,**
sa sjedištem u ulici Skenderija 72, 71000 Sarajevo, Bosna i Hercegovina, kojeg zastupa dekan Prof. dr. Sead Turčalo

(U daljem tekstu: Ugovorne strane)

Član 1.

Memorandum predstavlja polaznu osnovu za razvoj partnerstva zasnovanog na ravnopravnosti i uzajamnom poštovanju, nastao kao izraz potrebe da se utvrde okviri i vidovi buduće saradnje u oblasti naučnoistraživačkog rada i saradnje.

Na osnovu zajedničkog interesa, sa ciljem razvoja akademskih i naučnih odnosa i uspostavljanja zajedničke saradnje, Ugovorne strane izražavaju svoju saglasnost za organizovanje i razvoj oblika zajedničke saradnje, unutar dostupnih pravnih okvira, mogućnosti i interesovanja u sljedećim oblastima:

- Naučna saradnja u istraživanju genocida, zločina protiv čovječnosti i međunarodnog prava;
- Ekspertna pomoć i obostrana saradnja u unapređenju istraživanja u oblasti studija genocida, historije i kulture sjećanja;
- Uzajamna saradnja kroz organizaciju i učešće na seminarima, radionicama i konferencijama;
- Organizacija i učestvovanje na istraživačkim konferencijama, simpozijumima i seminarima, po pozivu uključenih strana;
- Istraživanje i stručni rad unutar postojećih institucija i organizacija;

- Razmjena stečenih iskustava između Ugovornih strana;
- Razmjena stručne i naučne literature;
- Saradnja stručnih službi Ugovornih strana;
- Realizaciju drugih ciljeva i zadataka koji proizilaze iz samog karaktera Ugovornih strana.

Član 2.

Ugovorne strane su usaglasile neophodnost zajedničkog djelovanja i upravljanja naučnoistraživačkim projektima i aktivnostima u oblasti istraživanja genocida, zločina protiv čovječnosti, međunarodnog prava i razvoja kulture sjećanja.

Član 3.

Ugovorne strane će, u cilju realizacije modaliteta saradnje, formirati zajednički tim koji će vršiti redovnu evaluaciju rezultata saradnje i davati prijedloge za njezino unapređenje, u skladu sa ciljevima i zajedničkim projektima.

Član 4.

Finansiranje dogovorenih programskih aktivnosti i drugih oblika saradnje Ugovornih strana definišaće se posebnim ugovorom ili drugim aktom.

Član 5.

Ugovorne strane se obavezuju da sve povjerljive podatke i dokumente koje međusobno razmjene, a koji se odnose na ovaj Memorandum ili su u vezi sa ovim Memorandumom (osim opće poznatih podataka koji su dostupni javnosti), bez prethodne pisane saglasnosti druge strane, neće otkriti trećim osobama.

Član 6.

Sve nesuglasice u tumačenju i primjeni odredbi ovog Memoranduma, Ugovorne strane će rješavati pregovaranjem i savjetovanjem.

Član 7.

Memorandum stupa na snagu danom potpisivanja obje Ugovorne strane i neograničenog je trajanja.

Prijedlog izmjene teksta i sadržaja ovog Memoranduma podnosi, u pisanoj formi, jedna ili obje Ugovorne strane, drugoj Ugovornoj strani najmanje 30 dana prije plana njegove izmjene, nakon čega će Ugovorne strane razmotriti prijedlog i o njemu odlučiti.

Memorandum prestaje važiti na zahtjev jedne od Ugovornih strana, uz obrazloženje razloga takve odluke.

Član 8.

Ovaj memorandum potpisan je u 2 (dva) istovjetna primjerka, na službenim jezicima u Bosni i Hercegovini, a svaka ugovorna strana zadržava po jedan primjerak.

Memorijalni centar
Srebrenica-Potočari Spomen
obilježje i mezarje za žrtve

Predsjedavajući

Broj: 01-02-3-456/20
Datum: 01.06.2020
Srebrenica

Fakultet političkih nauka
Univerziteta u Sarajevu

Prof. dr. Sead Turčalo
Dekan

Broj: 21-2-689-1/20
Datum: 11.06.2020
Sarajevo